

დევების ქორწილი  
(მთიულური)

ღამით ცა ჰქუხდა, გრგვინავდა,  
მთებს მოედრიკათ თავიო.  
ტყეს გასდიოდა ფოთოლი,  
ზღვა ბობოქრობს შავიო.  
დევებსა აქვის ქორწილი,  
დიდი დარბაზი ზრიალებს.  
მეც დამპატიყეს, შევედი, დ  
რა მქისე სუნი ტრიალებს?!  
სამ პირად ცეცხლი დაენტოთ,  
ზედ სამი ქვაბი შხიოდა,  
სტუმრების წინა ხონჩებზედ  
კაცის თავ-ფეხი დიოდა.  
უკვენას ყურეშიითა  
კვნესის ხმა გამოდიოდა:  
"ძმის ხორცი როგორა ვსჭამო?!" დ  
ყმა ვინმე გამოჰკიოდა.  
უსმელ-უჭმელად გავსძეხი,  
ყელშიაც ამომდიოდა.

1886 წ.